

গণপ্রজাতন্ত্রী বাংলাদেশ সরকার
স্বাস্থ্য ও পরিবার কল্যাণ মন্ত্রণালয়
স্বাস্থ্য সেবা বিভাগ

প্রশাসন-৪ (মনিটরিং ও সমন্বয়) অধিশাখা

বাংলাদেশ সচিবালয়, ঢাকা।

www.mohfw.gov.bd

বিষয়: স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়ের ইনোভেশন টিমের জুন ২০১৮ মাসের সভার কার্যবিবরণী।

সভাপতি : জনাব শেখ মুজিবুর রহমান, যুগ্মসচিব (প্রশাসন) ও চিফ ইনোভেশন অফিসার
স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়, ঢাকা।

স্থান : মন্ত্রণালয়ের সভাকক্ষ (কক্ষ নং-৩৩২, ভবন নং-৩)।

তারিখ ও সময় : ১৯.০৬.২০১৮ খ্রিঃ, বেলা: ১১:০০ ঘটিকা।

সভায় উপস্থিত সদস্যগণের তালিকা: পরিশিষ্ট 'ক' তে সন্নিবেশিত।

সভাপতি উপস্থিত সদস্যদের স্বাগত জানিয়ে সভার কার্যক্রম শুরু করেন। তিনি প্রশাসনে ইনোভেশনের গুরুত্ব তুলে ধরে বলেন, ইনোভেশন একটি চলমান প্রক্রিয়া। ইনোভেশনের মাধ্যমে স্বাস্থ্য সেবা আরো সহজতরভাবে মানুষের দোরগোড়ায় পৌঁছানো সম্ভব। টেকসই উন্নয়ন অভীষ্টগুলোতে পৌঁছাতে হলে মাঠ পর্যায়সহ দেশের সকল স্তরে প্রশাসনের ইনোভেশনের গুরুত্ব অপরিসীম। তিনি সচিব মহোদয়ের সভাপতিত্বে মাঠ পর্যায়ের ইনোভেশন প্রকল্পগুলো বাছাই করে শোকেসিং এর ব্যবস্থা করার জন্য নির্দেশনা প্রদান করেন। তিনি অধিদপ্তর/দপ্তরসমূহে নিয়মিত মাসিক সভা আয়োজন এবং সভার কার্যবিবরণী মন্ত্রণালয়ে প্রেরণের জন্য অনুরোধ জানান।

০২. গত সভার কার্যবিবরণী পাঠ ও অনুমোদনঃ সভাপতি মহোদয়ের সম্মতিক্রমে জনাব মোঃ কায়েসুজ্জামান, উপসচিব (মনিটরিং ও সমন্বয়) সভার কার্যবিবরণী পাঠ করেন। তিনি পরবর্তী ইনোভেশন সভার পূর্বে কার্যবিবরণীর সিদ্ধান্তসমূহের বাস্তবায়নের অগ্রগতি সংশ্লিষ্ট বাস্তবায়নকারী কর্তৃপক্ষকে লিখিত আকারে প্রশাসন-৪ অধিশাখায় প্রেরণের জন্য করার অনুরোধ জানান। আর কোন সংশোধনী না থাকায় সর্বসম্মতিক্রমে কার্যবিবরণীটি দৃঢ়ীকরণ করা হয়।

০৩. মাসিক সভা: মো: আমিনুল ইসলাম, পরিচালক, স্বাস্থ্য প্রকৌশল অধিদপ্তর, অধিদপ্তর/দপ্তরসমূহকে নিয়মিত মাসিক ইনোভেশন সভা করতে ও সভার কার্যবিবরণী মন্ত্রণালয়ে প্রেরণের বিষয়ে অভিমত ব্যক্ত করেন। তিনি অধিদপ্তর/দপ্তরসমূহের ইনোভেশন সভা পর্যবেক্ষণের জন্য মন্ত্রণালয়ের ইনোভেশন টিমের চীপ ইনোভেশন অফিসার অথবা টিমের যে কোন সদস্যকে অংশগ্রহণের অনুরোধ জানান। জনাব মোঃ কায়েসুজ্জামান, উপসচিব (মনিটরিং ও সমন্বয়) অধিদপ্তরসমূহকে নিজ উদ্যোগে সভার কার্যবিবরণী পর্যালোচনা করার অনুরোধ করেন।

০৪. ইনোভেশন সংক্রান্ত প্রশিক্ষণঃ জনাব মোঃ কায়েসুজ্জামান, উপসচিব (মনিটরিং ও সমন্বয়) ইনোভেশন সংক্রান্ত ২ (দুই) ও ৫ (পাঁচ) দিনের প্রশিক্ষণের বিষয়ে দৃষ্টি আকর্ষণ করলে স্বাস্থ্য সেবা বিভাগের অধীন অধিদপ্তর/দপ্তরসমূহের প্রতিনিধিগণ জানান ইনোভেশন সংক্রান্ত শুধুমাত্র ২ (দুই) দিনের প্রশিক্ষণ সমাপ্ত হয়েছে। সভাপতি মন্ত্রণালয়সহ অধিদপ্তর/দপ্তরসমূহকে চলতি বছরের জন্য ২ (দুই) দিনের ও ৫ (পাঁচ) দিনের প্রশিক্ষণ আয়োজনের উদ্যোগ গ্রহণের আহ্বান জানান। সভাপতি মহোদয় মানব সম্পদ বিভাগকে তৃতীয় অপারেশনাল প্লানে প্রশিক্ষণ খাতে অগ্রগতি ও অর্জন সংক্রান্ত প্রতিবেদন জানাতে নির্দেশনা প্রদান করেন।

০৫. বিদেশ প্রশিক্ষণ: জনাব মোঃ কায়েসুজ্জামান, উপসচিব (মনিটরিং ও সমন্বয়) প্রত্যেকটি টিমকে বিদেশ প্রশিক্ষণের অর্জিত জ্ঞান ও অভিজ্ঞতা সম্পর্কিত প্রতিবেদন ১৫ (পনের) দিনের মধ্যে সচিব মহোদয়ের উপস্থিতিতে মাইক্রোসফট পাওয়ার পয়েন্টের মাধ্যমে উপস্থাপনের বিষয়ে অভিমত ব্যক্ত করেন। সভাপতি বিদেশ প্রশিক্ষণের শিক্ষণীয় বিষয় নিয়ে সমন্বয় সভায় আলোচনার জন্য এজেন্ডায় রাখতে প্রশাসন-৪ অধিশাখা-কে অনুরোধ জানান। সভাপতি মহোদয় বিদেশ প্রশিক্ষণের সরকারি আদেশসমূহ ওয়েবসাইটে প্রকাশ করার জন্য কম্পিউটার সেলে প্রেরণের জন্য বিশ্বস্বাস্থ্য অধিশাখাকে অনুরোধ জানান।

